

蒙古游牧記

〔清〕張穆 撰 張正明 宋舉成 點校

山西人民出版社



94
K281.2

蒙古游牧記

■〔清〕張穆 撰 ■ 張正明 宋舉成 點校

山西人民出版社

B

879083



晉新登字6号

蒙古游牧記

張 穆著

張正明 宋舉成 點校

山西人民出版社(太原并州北路十一號)

山西省新華書店發行 運城報社印刷廠印刷

開本: 850×1168 1/32 印張: 12.625 字數: 310千字

1991年12月第1版 1991年12月太原第1次印刷

印數: 1—1500冊

ISBN 7—203—01478—9

I·55

定價: 14.80圓

點校說明

蒙古游牧記十六卷，清張穆撰。張穆（一八〇五——一八四九）字誦風，本名藏還，字碩州，後以碩州爲號，晚號烏齋，山西平定人。其祖父佩芳是乾隆進士，歷任知縣、知州等官。其父敦頤是嘉慶進士，曾任翰林院編修。張穆十一歲時，母親去世。過三年，父親又去世，由繼母撫養教育，幼年遭遇坎坷。道光十二年（一八三二），以優貢考取正白旗官學漢教習。十九年，應順天鄉試，因與監試官發生口角，被誣懷挾入場而不得致試。從此，絕意仕進，閉戶讀書，致力于學術研究 and 著述。

張穆學識淵博，「其學不專主一家，而皆能得其精詣」（祁寯藻烏齋文集序）。他通經學，精訓詁，酷愛天文、算學，尤擅長史地。曾詳細校訂祁韵士西域釋地、西陲要略、藩部要略，撰著延昌地形志、俄羅斯事補輯、蒙古游牧記、顧亭林年譜、閻若璩年譜等，此外還寫過不少短文和詩，有烏齋文集、烏齋詩集行世。

蒙古游牧記是研究蒙古歷史地理的重要參考書。是書以史志體例，分述清代蒙古各部游牧所

在、輿地形勢、道里四至和歷代沿革，尤注重元亡以來各部之變遷。在敘述上，以盟旗爲單位，凡內蒙古二十四部六卷，外蒙古喀爾喀四部四卷，額魯特蒙古和新舊土爾扈特部各三卷。各部類均有總叙，又自爲注。其考證之精詳，足補遼、金、元三史之缺，尤能注目于當時發生的邊疆問題，改變了過去寫史忽略近現代的傾向。然屬稿未竟而抱憾早卒，後由其友人何秋濤校訂和補成未寫完的最後四卷。

蒙古游牧記以清同治六年（一八六七）刊刻本最爲通行，這次點校即以此本爲底本，并參照皇朝藩屬輿地叢書、小方壺輿地叢鈔所收本進行了校正。

在點校過程中，蒙山西大學歷史系師道剛先生提出了不少寶貴意見，謹致以衷心的謝意。限於水平，點校錯誤疏漏之處，在所難免，敬祈讀者是正。

點校者

蒙古游牧記序

海內博學異才之士，嘗不乏矣。然其著述卓然不朽者，厥有二端：陳古義之書，則貴乎實事求是；論今事之書，則貴乎經世致用。二者不可得兼，而張子石州蒙古游牧記獨能兼之。始余校刊先大夫藩部要略，延石州覆加校覈。石州因言：「自來郡國之志與編年紀事之體，相爲表裏。昔司馬子長作紀傳，而班孟堅、勰修修地理志，補龍門之闕，而相得益彰。今要略編年書也，穆請爲地志，以錯綜而發明之。余亟慙懇俾就其事，殺青未竟，而石州疾卒。以其稿屬何願船比部整理，願船爲補其未備，又十年始克成編。余詳爲披覽，究其終始，見其結構則詳而有體也，徵引則瞻而不穢也，考訂則精而不浮，確而有據也。擬諸古人地志，當與鄺亭之箋水經、贊皇之志郡縣，並駕齊驅。樂史祝穆以下無論已。雖然石州之成此編，豈第矜博奧蒐隱僻成輿地一家言哉。蓋嘗論之，蒙古輿地與中國邊塞相接，其部族強弱關繫中國盛衰，非若海外荒遠之區，可以存而不論也。塞外

在、與地形勢、道里四至和歷代沿革，尤注重元亡以來各部之變遷。在敘述上，以盟旗爲單位，凡內蒙古二十四部六卷，外蒙古喀爾喀四部四卷，額魯特蒙古和新舊土爾扈特部各三卷。各部類均有總叙，又自爲注。其考證之精詳，足補遼、金、元三史之缺，尤能注目于當時發生的邊疆問題，改變了過去寫史忽略近現代的傾向。然屬稿未竟而抱憾早卒，後由其友人何秋濤校訂和補成未寫完的最後四卷。

蒙古游牧記以清同治六年（一八六七）刊刻本最爲通行，這次點校即以此本爲底本，并參照皇朝藩屬輿地叢書、小方壺輿地叢鈔所收本進行了校正。

在點校過程中，蒙山西大學歷史系師道剛先生提出了不少寶貴意見，謹致以衷心的謝意。限於水平，點校錯誤疏漏之處，在所難免，敬祈讀者是正。

點校者

蒙古游牧記目錄

卷之一

內蒙古哲里木盟游牧所在
科爾沁 札賚特 杜爾伯特 郭爾羅斯

(一)

卷之二

內蒙古卓索圖盟游牧所在
喀喇沁 土默特

(二八)

卷之三

內蒙古昭烏達盟游牧所在
敖漢 奈曼 巴林 札魯特 阿魯科爾沁 翁牛特 克什克騰 喀爾喀左翼

(五七)

卷之四

內蒙古錫林郭勒盟游牧所在
烏珠穆沁 浩齊特 蘇尼特 阿巴噶 阿巴哈納爾

(八八)

卷之五

內蒙古烏蘭察布盟游牧所在四子部落 茂明安 喀爾喀右翼……………(一〇五)

卷之六

內蒙古伊克昭盟游牧所在鄂爾多斯……………(一二〇)

卷之七

外蒙古喀爾喀四部總敘……………(一四一)

外蒙古喀爾喀汗阿林盟游牧所在土謝圖汗部……………(一四九)

卷之八

外蒙古喀爾喀齊齊爾里克盟游牧所在喀爾喀 賽音諾顏部……………(一八二)

卷之九

外蒙古喀爾喀喀魯倫巴爾和屯盟游牧所在車臣汗部……………(二一二)

卷之十

外蒙古喀爾喀札克必拉色欽畢都哩雅諾爾盟游牧所在
札薩克圖汗部
……………(二四〇)

卷之十一

額魯特蒙古總敘……………(二六二)

阿拉善額魯特蒙古游牧所在……………(二六四)

卷之十二

青海額魯特蒙古游牧所在……………(二七三)

卷之十三

額魯特蒙古烏蘭固木杜爾伯特部賽音濟雅哈圖盟游牧所在……………(三一—)

卷之十四

額魯特蒙古新舊土爾扈特部總敘……………(三三四)

珠勒都斯舊土爾扈特蒙古烏訥恩素珠克圖盟南路游牧所在……………(三四三)

珠勒都斯中路和碩特蒙古巴啓色特啓勒圖盟游牧所在……………(三五二)

卷之十五

和博克薩里舊土爾扈特蒙古烏訥恩素珠克圖盟北路游牧所在……………(三五八)

庫爾喀喇烏蘇舊土爾扈特蒙古烏訥恩素珠克圖盟東路游牧所在……………(三六三)

晶河舊土爾扈特蒙古烏訥恩素珠克圖盟西路游牧所在……………(三六八)

卷之十六

額濟納舊土爾扈特蒙古游牧所在……………(三七四)

布勒罕河新土爾扈特蒙古青色特啓勒圖盟游牧所在……………(三八六)

哈弼察克新和碩特蒙古游牧所在……………(三九二)

蒙古游牧記卷之一

平定張 穆石州撰

光澤何秋濤願船校

內蒙古哲里木盟游牧所在

科爾沁
爾伯特

扎賚特
郭爾羅斯
杜

科爾沁部在喜峰口東北八百七十里。至京師千二百八十里。東西距八百七十里，南北距二千一百里。東至扎賚特界，西至札嚕特界，南至盛京邊牆界，北至索倫界。

秦、漢，遼東郡北境。後漢爲扶餘、鮮卑地。後漢書：夫餘國在元菟北千里。南與高句麗，東與挹婁，西與鮮卑接界。南北朝、隋、

唐爲契丹、靺鞨地。唐時契丹地在奚之東北，與室韋、靺鞨接界，今科爾沁在古契丹、靺鞨之間。遼爲上京東境及東京北境。金分屬上

京、北京及咸平路。元爲開元路北境。開元路治黃龍府。詳見郭爾羅斯東南柳條邊。明初置福餘外衛，以元後兀良

哈爲都指揮，掌衛事。其地西自廣甯白雲山黃泥窪起，踰鐵嶺至開原。洪武二十一年置衛，以故元東甯王海撒男答奚爲指揮同知，歲再貢馬。永樂元年，以安出及土不申爲都指揮，掌衛事。

罕。兀良哈即烏梁罕，亦作烏浪漢。洪熙間，蒙古臣阿魯台爲瓦剌所破。瓦剌即衛拉，或以烏喇特爲瓦剌之譌者，非也。阿魯台乃人名，非部名。或以厄魯特爲阿魯台之

轉者，亦其酋奎蒙克塔斯哈喇，姓博爾濟吉特。蒙古源流提要曰：皇上幾餘覽古，以元代奇渥溫得姓所自，必史臣傳譌，詢之定邊左副將軍喀爾喀親王成袞札

布，因以此書進御考證本末，始知奇渥溫爲却特之誤。蒙古博明西齋偶得云：元史稱帝姓奇渥溫。祕史載孛敦察爾自爲孛爾只止歹氏，此亦如中國姓氏之別。蓋各蒙古之類凡十數，皆出自奇渥溫姓，帝自爲孛爾只止歹氏以別之。

孛爾只止歹其先世之名也，蒙古不諱名，其來久矣。今蒙古元裔皆博爾濟吉特，只吉上特歹氏，而姓確特。確北音作平聲，即奇渥亦平聲，二字合溫，其餘音當曰譯言之譌耳。穆案：孛敦察爾，祕史作孛端察兒；孛爾只止歹，祕史作

孛兒只斤。西齋語有誤。錢大昕元史攷異：太祖姓奇渥溫氏。按元祕史作孛兒只吉歹氏，明楊子器官詞注亦云世祖姓孛兒只斤。只斤即只吉歹，譯音有輕重爾，今譯爲博爾濟吉特。穆案：攷異所据祕史本，即余刻入楊氏連筠移叢

書之本，而引用亦誤，何也？龔之翰後出塞錄：科爾沁、喀喇沁兩蒙古，皆以王爲姓，其先乃山東膠州人，至今尚通往來，譜係亦略可攷。穆案：此無徵之言，不足據也。

元太祖弟哈布圖哈薩

爾十四世孫也。

哈薩爾：元史太祖紀作哈撒兒，表作捌只哈兒，食貨志作捌只哈撒兒札入兒，火者傳作哈札兒，今譯改作哈札爾又作楚齊格爾；元祕史作阿兒孩合撒兒，又作拙赤合撒兒，亦單稱曰合撒

兒：蒙古源流作特穆津哈薩爾。案：蒙古源流滿都古勒汗卒，其小福晉滿都海徹辰，科爾沁之烏訥博羅特王欲娶之。滿都海徹辰欲待汗之姪巴圖蒙克長而嫁之，以問桑該烏爾魯克之妻札哈阿海。札哈阿海云：適哈薩爾之子，則離却

屬衆，敗福晉名；若守汗之子，則據有國衆，可以表揚福晉名譽，云云。然則科爾沁之爲哈薩爾裔，確有徵也。

走避嫩江，

嫩江一作妹江，又名諾尼江，古名難水，亦曰那河，明人謂之腦溫江，又曰忽刺溫江。

方式濟龍沙紀略：蒙古謂腦溫爲碧諾尼，意同。今呼嫩江。明一統志云：源出西北邊外，不可攷。蓋江之在明爲甌脫，統志第指其與松阿里合流處，故不知其源。今按江源出宜呼爾山，山在黑龍江之南，興安嶺下，江流自北而南，經查克達奇山之東，額勒克爾山之西，循墨爾根城北門，復稍轉西，下抵卜魁城西門，凡一千四百餘里，與松阿里江合。

依兀良哈，因同族有阿魯科爾沁，故

號嫩科爾沁以自別。

天命九年，奧巴表稱嫩江水濱科爾沁台吉等。楊賓柳邊紀略：科爾沁一作好兒趁，與察哈爾虎墩兔同祖，住牧東北邊外，去建州最近。高宗純皇帝入科爾沁境詩曰：「塞牧雖稱

遠，姻盟向最親；嗣徽彤管著，縣澤礪山申；設候嚴喧沓，清塵奉狩巡；敬誠堪愛處，未忍視如賓。」穆案：科爾沁諸部以明史攷之，蓋阿魯台之裔，史稱本雅失里爲瓦剌所襲，與阿魯台徙居臚朐河，及聞成祖自將五十萬衆出塞，本雅失里懼，欲與阿魯台俱西，阿魯台不從，君臣始各爲部。本雅失里西奔，阿魯台東奔。其後當仁宗登極之初，阿魯台數敗於瓦剌，部曲離散，乃率其屬東走，兀良哈駐牧遼塞，正與科爾沁爲衛拉所破，走避嫩江情事時代相符。又案：據蒙古源流：蒙古自順帝出奔，七傳至永樂十三年乙未德勒伯克汗歿，曠十餘年無君。洎宣德元年，科爾沁烏濟錦諾延之子阿岱台吉，乃占據蒙古餘衆即汗位。先是洪熙元年，則有哈爾古楚克之遺腹子阿寨及其母鴻拜濟，及阿薩特之子阿魯克台往依之。阿魯克台本名烏格德勒庫，以巴圖拉丞相命之負匡拾糞，取負匡之義，命曰：阿魯克台。阿岱汗既得此三人，即汗位，遂加兵濟勒滿汗，征四衛拉特，俘額色庫汗之子巴克穆，所謂脫歡太

師者也。其情事與明史及科爾沁總傳正相反，記載荒忽，亦未敢質爲誰是。要是洪熙、宣德間，科爾沁有與衛拉構兵事，則諸書所記隱隱相符也。

所部六旗分左右翼。右翼中

旗本韃靼地。遼爲黃龍府北境。金屬上京路，元廢。札薩克和碩土謝圖親王游牧。

土謝圖今

譯改圖什業圖。

奎蒙克塔斯哈喇曾孫翁果岱，翁果岱子奧巴，世爲察哈爾諾顏。天命十一年，以

奧巴先諸蒙古來降，妻以莊親王舒爾哈齊女孫，授和碩額駙，封土謝圖汗。子巴達禮，

崇德元年，叙功，封札薩克和碩土謝圖親王，去汗號，詔世襲罔替。

巴達禮長子巴雅斯呼朗，順治二年尚固倫崇

康公主。掌右翼五旗事。

佐領二十二。額存穀萬二千四百八石四斗。順治七年定外藩蒙古每十五丁，給地廣一里，縱二十里。

牧地：當哈古勒河、阿魯坤都

倫河合流之北岸。

阿魯坤都倫河出札魯特旗西山，東流，哈古勒河出其西北山，二水合東南流來會，經游牧而東豬於沙。一統志：合河，蒙古名和爾。出札魯特左翼之北，東流入境，經左翼西北三百三

十里，又東經右翼西一里，又東經右翼前旗、後旗地，入因沁察漢池。阿魯坤都倫河在左翼西北三百里，自札魯特左翼流入境，經葛刺圖溫都爾山東流，會額伯爾坤都倫河入右翼界，西北經奎屯山東南流會於合河。穆案：合河即

哈古勒河，東豬於沙，即豬於因沁察罕池，今沒其名矣。

東至那哈太山。

一作納哈台坡，八十里接右翼前旗界，旗東六十五里有烏蘭峰。

南至察罕莽哈。

二百里接左翼中旗界。

旗南八十里，有土母達察漢陀羅海坡，布哈坡，百二十里有漢惠圖坡。

西至塔勒布拉克。

七十里接左翼中旗界。旗西三十里有鮮卑山，土人名蒙格。

北至巴音和碩。

一作

巴煙和邵，二百五十里接烏珠穆沁左翼界。旗北二百里有溫山，蒙古名哈祿納。二百五十里有胡凱山，蒙古名伊克呼巴海。旗北百七十里有阿爾達爾河，源出溫山，經榆木山東南流入右翼前旗界，會貴勒爾河，入洮兒河。二百三十里有偷河，蒙古名海拉蘇台，源出興安山，經火山東南流，會貴勒爾河。二百六十里有鶴午河，源出伊克呼巴海山，經磨爾托山東南流入左翼前旗界，會榆河。東南至巴朗濟喇坡。二十

里接右翼前旗界。旗東南百六十里有阿達金察罕陀羅海坡。二百里有烏拉達罕坡。旗東南四十里有鹽池，蒙古名博羅呼吉爾。六十里有德爾赫楞貴池。西南至格倫哈古沁城。二百

里接左翼中旗界。旗西南八十里有烏爾圖岡。二百里有巴雅爾察罕岡。二百里有孤峰，蒙古名郭圖和碩。東北至木勒推山。一作磨爾托山。二百六十里接右翼前旗界。旗東北八十里有大牢古山，蒙古名

布古特。百四十里有榆木山，蒙古名海喇蘇台。百七十里有綽爾海山。西北至博羅霍吉爾山。三百里接左翼中旗界。旗西北五十里有達喜圖察罕陀羅海坡。九十里有殺癩山，蒙古名伊克依瑪

圖。百四十里有寒山，蒙古名奎屯。札薩克駐巴音和碩之南，曰塔克禪。在喜峰口東北千二百里。左翼中旗本契丹地。遼置

信州彰聖軍，領武昌、武定二縣，二縣俱在今奉天府鐵嶺縣東北。屬東京。金省武定入武昌，以州屬上京。

元廢。信州故城在旗東南三百八十里。全遼志：自開原東，其至信州三百十里，今有城周一里，門八，土人猶呼爲信州城。一統志：按遼史地里志，信州自是古越喜地，在今開原縣南。全遼志云：開原東北，非是。

札薩克和碩達爾漢親王游牧。奧巴叔父莽古斯以女歸太宗文皇帝，是爲孝端文皇后。追封莽古斯和碩福親王，妻封福妃。孝端文皇后崩，莽古斯子宰桑，宰桑之長子烏克善，請以女弟爲繼室，是爲孝莊文皇后。追封宰桑和碩忠親王。

妻封賢妃；烏克善封卓哩克圖親王。烏拉善之仲弟察罕子綽爾濟，復以女歸世

祖章皇帝，是爲孝惠章皇后。順治十八年，封綽爾濟多羅貝勒，

館臣謹案：科爾沁以列朝外戚荷國恩獨

厚，列內札薩克二十四部首，有大征伐必以兵從，如親征噶爾丹及剿策妄阿喇布坦、羅卜藏丹津、噶爾丹策凌、達瓦齊諸役，札薩克等效力戎行，莫不懋著勤勞。土謝圖親王、達爾漢親王、卓哩克圖親王、札薩克圖郡王等四爵，

俸幣視他部獨增，非惟禮崇姻戚，抑以其功冠焉。初，冲齡踐阼，中外帖然，緊蒙古外戚扈戴之力。

魏源曰：科爾沁從龍佐命，世爲梯附，與國休戚，故世祖當草創會典，理藩院王會清吏司制，外藩之祿，有俸銀、有俸幣，其等

七。惟科爾沁親王、三郡王一，各視其等而優焉。注：外藩親王俸銀二千兩、俸緞二十五匹，郡王俸銀一千二百兩、俸緞十五匹，科爾沁三親王各俸銀二千五百兩、俸緞四十四匹，郡王俸銀一千五百兩、俸緞二十四匹。又，外藩之

供給各辨，以僕馬之等而區，其廩餼芻秣，惟科爾沁親王三、貝勒一，各視其等而優焉。注：親王護衛官二十三人、隨侍七人、從役十人，廩給每日銀六兩三錢五分、米三斗三升、坐馬十五匹、從馬四十匹、草料每日銀三兩七

錢四釐一絲三忽；貝勒護衛官十一人、隨侍九人、從役十人，廩給每日銀三兩四錢、米二斗二升、坐馬八匹、從馬三十匹、草料每日銀二兩五錢五分九釐一毫八絲六忽。科爾沁三親王，廩給每日銀七兩三錢五分、米三斗三升、

多羅貝勒一人，廩給每日銀六兩三錢、米二斗二升。從馬皆四十五匹。三親王坐馬、從馬、草料每日銀四兩四分八毫二絲，貝勒每日銀三兩五錢六分九釐三毫九絲一忽。又，凡外藩之至者，有錫賚，歸則給以資。惟科爾沁親王

三、貝勒一，往來皆給焉。注：年班來京，王以下例賞衣帽、撒袋、腰刀、鞍轡、緞匹、茶布等物，皆計值折銀。親王給銀四百三十兩，科爾沁三親王加給銀七十二兩，郡王給銀三百十七兩，科爾沁一郡王加給銀七十三兩。年

班，王以下禮畢回游牧，各給以路費；親王給銀十二兩八錢，隨從四十人，按程限每日給銀三錢、米三斗三升；貝勒給銀五兩，隨從三十人，每日給銀一錢八分、米二斗二升。科爾沁三親王，一貝勒來京，給銀十八兩五錢，回日